

CONSPECTUS LIBRORUM.

Codices qui Rhesum contineant hi sunt.

Ambr. Ambros. Ambrosianus. Fragmentum Rhesi novem et viginti versus complectens (vs. 843—871. nostrae ed.), de quo Maius in libro quem inscripsit: *Iliadis fragmenta antiquissima cum picturis, item scholia vetera ad Odysseam edente Angelo Maio. Mediolani 1819.*, in prooemii parte priore extr. ita disputavit p. xxxv. *Rursus iconi xxxv., quae Rhesi caedem pictam habet, agglutinatum est fragmentum ex Euripidis Rheso v. 856—884.* [ed. Beck.], cuius variae lectiones hae sunt. Ac sex quidem illas varias lectiones, quas affert, suo loco commemoravi et in usum adhibui. Nam licet hoc fragmentum scriptum sit aliquot seculis demum post Iliadis codicem, qui ante seculum v. aut vi. nostrae aerae exaratus est, tamen vel si xiii. seculo additum est, antiquitate ad unum paene omnes Euripidis codices superstites superat. Ceterum locus in Buttmanni *Scholiis antiquis in Homeri Odysseam* legitur p. 583.

Brunckii duo codices regii sine dubio sunt duo Parisini E. G. Laudantur ad vs. 152. 382. 466. cf. vs. 82.

C. Coll. Praep. „*Codex regalis Coll. Praepositi τῆς in margine habet: quae lectio nobis probatur.*” Barnes. scribit ad vs. 277. (267. nostr. ed.) Non potest esse is codex, qui vocatur *Collegii Corporis Christi apud Cantabrigienses*, si recte scripsit Valcken. ad Phoen. praef. viii. *Barnesius nec veteres editiones adhibuit qua, debebat diligentia, neque codices scriptos, praeter unicum Cantabrigiensem, tres tantum tragoelias complecentem: hunc codicem, quem Kingii novimus indicio recentem admodum esse, supra modum et paene pueriliter admiratur Barnesius, Codicem vocans sanctissimum atque irrefragabilem.* Videtur igitur esse de quo ita Beck. in Eurip. ed. T. iii. p. xii. a. „*Cod. Collegii S. Benedicti Cantabrig. n. 1528. Euripides, liber quondam Theodori.*”

Cottoniana sylloge utrum etiam ad Rhesum pertinuerit, hodie non constat. v. Elmsl. ad Medeam p. x. sq. Lips. ad Bacch. p. ix. not. g.

Duport. *Duporti codex*, de quo Barnes. ad vs. 54. *Male itaque Duportus γνῶν in suo codice notabat.* cf. id. ad vs. 267. (277. Barn.) Constat hodie ex Elmsleii nota ad Eur. Bacch.